



UNIVERSITÄTS-
BIBLIOTHEK
PADERBORN

**Francisci Montmorencii E Societate Iesv Cantica Et Idyllia
Sacra**

Montmorency, François de

Antverpiae, 1638

Canticum Moysis & Mariæ. Cantemus Domino: gloriosè enim. ex Exod. 15.

[urn:nbn:de:hbz:466:1-69423](https://nbn-resolving.org/urn:nbn:de:hbz:466:1-69423)

* CANTICVM

MOYSIS & MARIAE.

Exod. 15. cap.

* Meritò
 Origenes
 Canticum
 hoc omnium
 quæ umquam
 scripta sunt
 poematum
 primum ap-
 pellat: aliquot
 enim sæculis
 Linum, Or-
 pheum, Ho-
 merum an-
 teceffit Moy-
 ses. Flavius
 Iosephus cap.
 ultim. lib. 2.
 Antiq. car-
 men hoc
 Moysis ver-
 su hexametro
 compositum
 fuisse con-
 tendit.



ANTE MV S Domino: glorioſè
 enim magnificatus est, equum &
 ascensorem deiecit in mare.

Fortitudo mea, & laus mea Dominus, &
 factus est mihi in salutem:

Iste Deus meus, & glorificabo eum: Deus
 patris mei, & exaltabo eum.

Dominus quasi vir pugnator, omnipotens
 nomen eius.

Currus

A R G V M E N T V M.

Traducto per Mare rubrum ficcis vestigijs
ISRAELE, & demerso PHARAONE Rege
cum vniuerso exercitu; MOYSES cum vi-
ris, MARIA seorsum cum mulieribus
Hebræis, hoc Epinicium DEO VICTORI,
VINDICI, cecinerunt.



V N A N I M I cantemus io, io voce
Triumphe:

Ad veteres accessit enim noua lau-
rea palmas:

Precipites Deus egit equos equitesq; profundo.
Absit ut hoc quisquam mortalibus arroget
armis:

Numinis est solius opus. Mihi venit ab illo
Opportuna salus. Alios gens impia posthac
Ne mihi finge deos. Meus est Deus iste, meisque
Cultus auis. Illi solemnia sacra, diesque
Instituam festos, parti monumenta Triumphi,
Et meritis pendam memorē pro talibus hymnum.

Vnanimi cantemus io, io voce Triumphē.
Seu Deus Vltor amas, amplo seu nomine dici
Omnipotens; quem te pugnis ardentibus infers?
Fulmineum qualis quantusq; assurgis in ensē?
Serius Ægyptus didicit quid robore posses,
Dum mouet arma tuo non responsura lacerto.

Vnanimi

Currus Pharaonis & exercitum eius proiecit in mare:

Electi Principes eius submersi sunt in Mari rubro. Abyssi operuerunt eos, descenderunt in profundum quasi lapis.

Dextera tua Domine magnificata est in fortitudine: dextera tua, Domine, percussit inimicum. Et in multitudine gloriæ tuæ deposuisti aduersarios tuos:

Misisti iram tuam, quæ deuorauit eos sicut stipulam. Et in spiritu furoris tui congregatæ sunt aquæ:

Sterit vnda fluens, congregatæ sunt abyssi in medio mari.

Dixit inimicus: Persequar & comprehendam, diuidam spolia, implebitur anima mea:

Euaginabo gladium meum, interficiet eos manus mea.

Flauit

Unanimes cantemus io, io voce Triumphæ.

*Qualis arundo leues nervo volat acta per auras,
Talis Erythraeum facile est excussus in æquor
Indocilis Pharao, pariterque exercitus omnis
Et Pelusiacæ pelago periere quadrigæ.*

*Scuta virum fluitare salo, iuga fracta rotasque
Aspicere est: de tot modo millibus vnus & alter
Vix super apparent nantes in gurgite vasto.*

*Hos quoque vincit hiems: fessi referuntur ad
immum*

Vt lapis: it summas Ægyptia gazæ per undas.

Unanimes cantemus io, io voce Triumphæ.

*Fortibus ô quantum sese tua dextera factis
Extulit! in populos quam dura exempla rebelles
Constituit, iustoque remisit lora furori!*

*Ocyor arentes non corripit ignis aristas,
Quam tua momento disperdidit ira superbos.*

Unanimes cantemus io, io voce Triumphæ.

*Iussa suos aperire sinus tibi paruit unda,
Et medium vidit Pharao discedere pontum.
Insequar inuisos, quæ me via ducit, Apellas;
Assequar, exscindam, spolijs ornabor opimis.*

Sic ait: oblato consternatosque periculo

*Exhortatus equos, penetrabilia gurgitis alti
Limite peruadit latè patefacta sequestro.*

*At simul insonuit tua vox; subsidere cœpit
Quæ prius in montis faciem surrexerat unda,
Hausit & ingenti Pharaonis castra ruinâ.*

Unanimes cantemus io, io voce Triumphæ.

Ergo

Flauit spiritus tuus, & operuit eos mare:
submersi sunt quasi plumbum in aquis ve-
hementibus.

* *Vox Hebraea Elim plurale est nominis El, quo Deus significatur.* Quis similis tui in * fortibus Domine? quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, & deuorauit eos terra. Dux fuisti in misericordiâ tuâ populo quem redemisti.

Et portasti eum in fortitudine tuâ, ad habitaculum sanctum tuum.

Ascenderunt populi, & irati sunt: dolores obtinuerunt habitatores Philisthijm.

Tunc conturbati sunt principes Edom, robustos Moab obtinuit tremor: obriguerunt omnes habitatores Chanaan.

Irruat

Ergo iaces Pharao sub aquis , ceu plumbea
pessum

It pelago moles, imisq̄ue recumbit arenis?

Ergo iacet tecum non emersura profundo,

Qua modò certabat Superis Mareotica pubes?

Vnanimi cantemus io, io voce Triumphæ.

Quis similis , Deus alme , tui ? quis ferre se-
cundum

Æqualemve tibi se dīs ex omnibus ausit?

Te tuus Israël operum memor vsque tuorum,

Compellet facilemque pijs , rigidumque pro-
fanis:

Dicat ut Hebraeorum seruaris commodus agmen;

Durior ut rubris hostes tumularis arenis.

Vnanimi cantemus io, io voce Triumphæ.

Alituum regina suas ut tollit in alas

Dulce onus, & teneros mater vehit anxia fetus:

Sic geminis Abrahæ sobolem gestabis in vlnis,

Saxa * Iebusæa donec superauerit arcis.

Hæc domus , hæc patria est , hæc fati debita
tellus.

* Sic dicta
antiquis
Ierusalem.

Vnanimi cantemus io, io voce Triumphæ.

At quis agit populos furor improuisus in arma?

Quas acies sese campis diffundere cerno?

Prima Palestini sustollunt signa coloni:

Agmina palmifera quos ponè sequuntur Idu-
mes;

Hinc Arabum manus , inde ruit Phœnissa
iuuentus.

Idem

Irruat super eos formido & pavor, in magnitudine brachij tui:

Fiant immobiles quasi lapis, donec pertranseat populus tuus Domine, donec pertranseat populus tuus iste, quem possedisti.

Introduces eos, & plantabis in monte hereditatis tuæ, firmissimo habitaculo tuo quod operatus es Domine.

Sanctuarium tuum Domine, quod firmaverunt manus tuæ. Dominus regnabit in æternum & vltra.

Ingressus est enim eques Pharao cum curribus & equitibus eius in mare: & reduxit super eos Dominus aquas maris:

Filij autem Israël ambulauerunt per siccum in medio eius.

Idem omnes simul ardor habet, felicibus arvis,
 Quæ Chanaanæ arat, Judæ prohibere nepotes.

Unanimi cantemus io, io voce Triumphæ..

Exere terrificam celo, Deus, exere dextram
 Hostibus incussâ stet hebes formidine sanguis,
 Pigraque sopito lapidescant brachia sensu:
 Dirigeant torpore manus, admissaque totis
 Articulis ipsos ignavia serpat in enses:
 Dum tuus interea medios impunè per hostes
 Carpit iter populus, montesque euadit in altos
 Das ubi mansuras in sacula figere sedes.

Unanimi cantemus io, io voce Triumphæ.

Non ita Carmelus firmis radicibus hæret,
 Non Libanus; solido stabunt ut mœnia saxo,
 Israëligenæ quæ te, Deus, auspice condent.
 Hic reddi tibi vota voles, hic thure litari:
 Optabisque locum templo; quod regia Iudæ
 Posteritas olim Pario de marmore ponet.

Unanimi cantemus io, io voce Triumphæ.

Regnet io, regnet Deus Israël: & Orbi
 Imperet æternos (vel si potis ampliùs) annos.
 Nam Pharios innoluit equos, equitesque pro-

fundo,
 Per freta traducens siccis nos peruia plantis.

Unanimi cantemus io, io voce Triumphæ.